

39

21. apríl

AUGLÝSING

um staðfestingu á reglugerð nr. 102 11. júní 1951, um breytingu á hafnarreglugerð Höfðakaupstaðar.

Reglugerð nr. 102 11. júní 1951, um breytingu á hafnarreglugerð Höfðakaupstaðar, nr. 209 18. nóv. 1947, staðfestist hér með samkvæmt lögum um hafnargerðir og lendingabætur, nr. 29 23. apríl 1946, til að gilda áfram til 1. júní 1955, og birtist þetta til eftirbreytni þeim, sem hlut eiga að máli.

Ákvæði þessi öðlast þegar gildi.

Samgöngumálaráðuneytið, 21. apríl 1954.

Ólafur Thors.

Páll Pálmason.

40

23. apríl

REGLUGERÐ

um greiðslu ágóðahluta hjá Brunabótafélagi Íslands.

1. gr.

Þegar varasjóður Brunabótafélags Íslands er orðinn svo hár, að öruggt þyki um fjárhagsafkomu félagsins, og þá kemur í ljós við lok reikningsárs, að brunatjón hafa ekki farið fram úr 80% af iðgjöldum á því ári, má af árlegum tekjuafgangi greiða félagsdeildum og/eða félagsmönnum ágóðahluta af skyldubundnum fasteignatryggingum. Á sama hátt má og ákveða um greiðslu ágóðahluta til þeirra, sem tryggja hjá félaginu lausafjármuni.

2. gr.

Ákvörðun um greiðslu ágóðahluta hvert sinn er þó því skilyrði háð, að Brunabótafélagi Íslands geti safnað aukið fé í varasjóð eftir því, sem váttryggingarverðmætin vaxa.

Ágóðahluti skal vera ákveðinn hundraðshluti af iðgjaldatekjum á greiðsluárinu. Ekki skal þó greiða hærri ágóðahluta hverju sinni en sem nemur 60% af hreinum tekjuafgangi næsta reikningsárs á undan. Og eigi skal heldur að jafnaði úthluta arði ef 60% af hreinum tekjuafgangi nemur lægri upphæð en sem svarar 5% af heildariðgjöldum á greiðsluárinu.

3. gr.

Hafi Brunabótafélag Íslands gert sérsamning við tiltekinn kaupstað, um lækkun fasteignaiðgjalda þar á staðnum, í sambandi við auknar og endurbættar brunavarnir í kaupstaðnum, þá er félaginu rétt að greiða bæjarfélaginu sjálfu — félagsdeildinni — ákveðinn, tiltekinn ágóðahluta af árlegum tekjuafgangi fasteignatrygginganna þar á staðnum, og fer um ákvörðun á greiðslu og upphæð ágóðahlutans eftir þeim almennu ákvæðum, sem sett eru í reglugerð þessari.

4. gr.

Ágóðahluti til annarra en þeirra, sem um ræðir í 3. gr., skal að jafnaði greiðast til váttryggðra sjálfra, á þann veg, að ákvarðaður ágóðahluti greiðist sem lækkun (frádráttur) á iðgjöldum næsta árs á eftir.

5. gr.

Ákveða skal árlega, hvort greiða skuli ágóðahlut, og þá hvað háan og hvernig liann skuli greiddur. 23. apríl

40

6. gr.

Ákvörðun um greiðslu ágóðahluta skal að jafnaði miða við og greiða eftir þeim flokkum, sem tilgreindir eru í 6. gr. laga nr. 73 frá 4. júlí 1942, um Brunabótafélag Íslands, þannig að reiknað sé eftir samanlögðum tekjuafgangi hvers flokks út af fyrir sig. Flokkar þessir eru: 1. Tryggingarflokkur fasteigna í kaupstöðum og kaup-túnunum, 2. Tryggingarflokkur fasteigna í sveitum og 3. Tryggingarflokkur lausafjár. Um kaupstaði þá, er um getur í 3. gr., gilda þó sérákvæði þeirrar greinar, og ákveða má einnig að ágóðahluti geti verið misjafn til þeirra einstöku deilda innan hvors flokks fasteignatrygginganna, eftir því, hvað tjónin hafa orðið mikil á móts við iðgjöld þeirra.

7. gr.

Til þess að fá greiddan ágóðahluta, verður váttryggður þó að hafa átt hús eða lausafé váttryggt hjá félaginu það ár, sem tekjuafgangurinn miðast við.

Reglugerð þessi, sem sett er í samræmi við ákvæði laga nr. 73 4. júlí 1942, um Brunabótafélag Íslands, staðfestist hér með til að öðlast gildi þegar í stað.

Félagsmálaráðuneytið, 23. apríl 1954.

F. h. r.

Hjálmar Vilhjálmsson.

Hallgrímur Dalberg.

REGLUGERÐ

um bifreiða, báta og búnaðarvéla happdrætti dvalarheimilis aldraðra sjómanna.

41

26. apríl

1. gr.

Ágóða af bifreiða, báta og búnaðarvéla happdrætti dvalarheimilis aldraðra sjómanna, skammstafað D. A. S., skal varið til að greiða stofnkostnað við byggingarframkvæmdir dvalarheimilisins í Laugarási, Reykjavík. Eignum happdrættisins skal ef það verður lagt niður, verja á sama hátt

2. gr.

Stjórn fulltrúaráðs sjómannadagsins fer með yfirstjórn happdrættisins og hefur á hendi reikningshald þess eða felur það framkvæmdastjóra. Það skal færa ákvarðanir, er happdrættið varða, í gerðabók sína. Stjórn fulltrúaráðsins ræður framkvæmdastjóra happdrættisins.

3. gr.

Reikningsár happdrættisins er frá 1. maí til 30. apríl. Atvinnumálaráðuneytið skipar tvo endurskoðendur reikninganna. Þóknun til þeirra greiðist af fé happdrættisins.

4. gr.

Atvinnumálaráðuneytið skipar þriggja manna happdrættisráð til þriggja ára í senn og ákveður formann þess. Það ákveður þóknun happdrættisráðsmanna, er